

مکرمه بولور

۱۹ نجی سنه

سنه ۱۳۱۷

جزء، عدد : ۸۷

اندرون تاریخنه دأر برتقریض (۱)

تاریخ، ادوار متحولله اذکیاسنک اسلاف و معارفه سنه مخصوص برانجمن دانشدرکه دروننده اسلاف حیات تازه بولور؛ اخلاف ایسه عدم آباد فئاده نهان اولان اسلافک حالات و حرکتی مشاهده خارقه سنه مظهر اولور .

تاریخ اولسه بنی آدمک هر فردی جهان غیدن عالم وجوده کوزی قبالی اوله رق گلدیگی گی، جمعیت انسانیهده یرقرندن دیگر قرنه اسباب تبصرندن بری اوله رق انتقال ایتمک لازم کلزمیدی ؟

برعصرک تلقات فکریه و ترقیات فعلیه سی اصحابنک محفظه ادراکاتیه برابر عالم فئایه کتمش اولسهیدی بؤگون نظر حیرتله مشاهده ایستیکمز مائر عرفان و مفاخر وجداندن بوله بیله جکمز وقایع و بدایع ، بوله بیلدکلمر مزه قیاساً همجنسلر مزدن زمانمزده مستفید حیات اولانلرک ، آلتی بیگ سنه دن برو قبرستان اختفایه انتقال ایدنلره نسبتی قدر قلنده قالمزمیدی ؟

ایشته بؤمطالعه لردن دخی آکلاشیلورکه تلاحق افکار ایچون اک بیوک واسطه تاریخدر؛ چونکه خدمتی نظر ادراک اوکندده یالکمز طی مکانه دگل ، طی زمانه دخی شامل اولور . حتی براز دهبا تعمیق افکار اولنورسه فنون موجوده نلک

[۱] کال بک مرحوم بکدر .

جمله سی و پنج قرون عرفانده یکدیگرینک یادکار حیات و میراث اقداماتی اولان خقایق و کشفیاتنک خلاصه سندن عبارت اولق جهتیه برمدون کتاب . موضوعی اولان علمک بر مکمل تاریخی حکمنده طوتیه بیلور ،

واقعا تاریخ عنوانی یالکز وقایع سیاسی و احوال مدنیهدن بحث ایدن کتابلره منحصر طوتلده ییچون اساس استدلالی حدسیات و اکثر قضایای روایات و اماراتدر . بوندن طولانی مقدماتی بدیهیات و براهیتی تجربهیه مستند اولان علومدن تمیز ایدر . فقط بوتیزده تاریخچه نقیصه دکل ، برنوع تمایزدر . شو جهتله که حاز اولدینی خصایص معنویه قوتیه قوجه بر عالمی بیجه تصرفنده بازیجه انقلاب ایتک درجه سنه کتورن انسانک سرائرخانه حسیات و ادراکاتنده کی حدسنر حسابنر مطالب و تمایلاتی برر برر تحریری ایدوبده افعال و آثارینک اسبابی محق و یا هیچ اولمزسه حقه شبیه اوله رق میدان قویق بر بیوک قاعده علیه کشف ایتکندن ده مشکل کورینور .

بوصوبته مبنی درکه صحیح و مفید تاریخ کتابی هر ملتده سائر اقسام معارفه دائر اولان مدوناندن آز بولنور . هله لسانزده ضبط وقایعک مشکلات طبیعیه سنه ، تکلف اضراق ، تصلف اغلاق ، تعمیر حوادث ، تغیر مباحث بوللو وظیفهیه مغایر برطاقم حاکم منضم و ایام رسمیه نیک تعریفات و تشریفاتنی تکرار و تفصیل کبی یک چوق شیلرده التزام مالایلمز دخی ملتزم اولق جهتیه تاریخ کتابلر مرکز ایچنده استفاده اولنور و بلکه لذتله اوقونور اثرلر یک نادر بولنور .

ایشته او آثار برکزیده نیک بریده احمد عطا یک افندی نیک سرای هایونه متعلق اوله رق عمومک نظرگاه رغبتنه عرض ایلدیگی مجله معتبره درکه قواعد و فوائدجه هر درلو محاسنی جامع و ترتیب موضوعده برطور خاصی حاز اولق جهتیه « نوعی شخصه منحصر » وصفی کرک اثر و کرک مؤثر حقنده عین واقعدر .

حسن ترتینه هر صحیفه سی بر برهان ناطقدر . یا موضوعنه « منظمه عالمک شهیت انتخابی » دینسه لایق اولمز می ؟ عجبا شو جهان استفادهده [آثار بشردن اولق شرطیه] سرای هایون عثمانی قدر اعظم یتشدیرمش و خصوصیه دور تربیای

اوقدرجه امتداد ایتمش بر تعلیمخانه صرفان کورلمشیمدر؟ دانیاده هانگی دارالفنون حکمت وارددرکه، آشجیلرندن کوبریلی کبی برمجدد، بالطه جیلرندن پروت مظفریت خارق العاده سنک صاحبی کبی برسر عسکر میدان کتورمش اولسون.

سرای اقبالك معرف احوالی اولان کتاب گزین ایسه بر تصویر مکملدرکه هر نه طرفه دورینانه باقلسه عثمانی اکابرینک مخصوصاتندن اولان فضائل دیانت، جلائل حمیت، مطاوعت تربیت پذیرانه، همت جهانگیرانه، شوق صرفان، طهارت و جدان، استقرار صدق، اقتدار فتق و رتق نظر امان اوکننده تجسم ایدی ویرر. صد حیرت و تحسین اوقجمع فضائله؛ هزار آفرین اوقدر بیوک بر عالم کالک بحق تصویرینه مقتدر اولان ادیب کامله! اوصاف اعالیده نظم کلام و نثر مرام؛ مؤلفاتمزجه اجل مطالب و بوضورتله اکثر آثار مزدن حقیقی دخی سالب اوله گلشکن گویاکه بخشایش قدرندن هر طبیعت ادیبانه کوره بحق جواهر اوصاف النقطانه شاهانه بر خزینه استفاده اولمی ایچون وجود بولمش اولان اندرونک مفاخر. سابقه سنه دائر بر اثر تربیتی اصحاب قلدن هیچ برینک تصور ایده مامش اولمسنه نه درجه تعجب اولنسه روادری. شوقدر وارکه نارفته بوللره کیرمک و خلقی اوطریق ایله مستفید ایتمک مزیتی ده، خصوصی بر مظهریت، الهی بر عطادر.

بویله اثرلر تحمید افراده نهدن محتاج اولسون که تأقیامت لسان امتده مشکور اولور. صاحبنه انسان ایچنده نه اجر تعیین اولنه بیلسون که اطوار جوانمردی و آثار قهرمانیده جهان انسانیته نمونه اعتبار و بلکه مدار افتخار اولان اوقدر مستحقان غفرانک علو کالنی شوق آوران استکمال استقباله ابراز ایله «حیر الناس من ینفع الناس» طور رضا جویانه سیله استیناس ایدنلر عندالله مغفور اولور. اوقصورتله مأجور اولور.

ماغوسه فی صفر سنه ۱۲۹۲

